



CONVENIO DE COLABORACIÓN ENTRE A CONSELLERÍA DE ECONOMÍA, EMPREGO E INDUSTRIA E A CONFEDERACIÓN DE INDUSTRIAS TÉXTILES DE GALICIA – COINTEGA, AS ORGANIZACIÓNS SINDICAIS UGT-FICA - METAL, CONSTRUCCIÓN E AFÍNS DE UGT E A FEDERACIÓN DE INDUSTRIA DE CCOO GALICIA NO MARCO DO PROXECTO “GALITEX”

MEMORIA XUSTIFICATIVA

A Consellería de Economía, Emprego e Industria asinou o Convenio de Colaboración coa entidade Confederación de Industrias Téxtiles de Galicia – COINTEGA, e coas entidades UGT-FICA - Metal, Construcción e Afíns de UGT, e a Federación de Industria de CCOO GALICIA, por un período de vixencia que abrangue dende o 1 de xaneiro de 2018 ata o 30 de setembro de 2019.

O instrumento convencional ten por obxecto a colaboración para desenvolver:

O proxecto “GALITEX”, tal e como consta na Decisión aprobatoria da Comisión Europea contempla a realización de distintas accións para a procura da inserción laboral das persoas despedidas no sector téxtil de empresas de Orde e comarca. A colaboración estribará nas seguintes actuacións:

SERVIZOS PERSONALIZADOS

1.Acollida e Diagnóstico inicial

2.Medidas de Sensibilización

- Obradoiros para a activación laboral
- Obradoiros de acreditación de valorización e reforzo de competencias profesionais e habilidades socio- laborais
- Obradoiros de Retorno ás aulas

3.Programas de Orientación.

- Orientación laboral por conta allea
- Orientación laboral para o autoemprego

4.Programas de formación

- Formación en Competencias Básicas
- Formación Transversal





- Formación de recualificación Profesional fora do Sector
- Formación de Especialización dentro do Sector

5. Programas de inserción.

- Apoio á recolocación
- Seguimento personalizado

6. Programa de incentivos

- Incentivo para a participación activa.
- Beca de desprazamento
- Incentivo para o fomento do autoemprego.
- Incentivo para a conciliación

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se asinou se fundamenta no seguinte:

I.- O Decreto 135/2017, do 28 de decembro, que establece a estrutura orgánica da Consellería de Economía, Emprego e Industria, no que se adscribe a este departamento da Administración Autonómica, entre outras, as competencias en políticas activas de emprego, política laboral, relacións laborais, seguridade e saúde laboral, orientación e promoción laboral.

No exercicio destas funcións á Secretaría xeral de Emprego lle corresponde a dirección e coordinación das competencias da comunidade autónoma en materia laboral e á Dirección Xeral de Orientación e Promoción Laboral o desenvolvemento das funcións en materia de formación para o emprego, cualificacións profesionais e intermediación no mercado de traballo, colocación e orientación laboral.

II.- A colaboración formalízase baixo o disposto no parágrafo primeiro da Resolución do 8 de abril de 1991, na que se fai público o acordo do Consello da Xunta de Galicia do 27 de marzo de 1991, sobre convenios de colaboración con particulares e con outros entes públicos, enmarcándose dentro do previsto no artigo 6 da Lei 9/2017, do 8 de novembro, de Contratos do Sector Público.





Así mesmo, axústase ao disposto na Lei 9/2007, do 13 de xuño, no artigo 26.2 a) e no seu regulamento aprobado polo Decreto 11/2009, do 8 de xaneiro, quedando xustificado o carácter singular da axuda e as razóns que acreditan o interese público, social e económico e aquelas que xustifican a dificultade da súa convocatoria pública, atendendo ás especificidades do obxecto do convenio, así como pola especificidade dos/as destinatarios/as últimos/as: persoas traballadoras despedidas no sector téxtil.

III.- As organizacións UGT- Galicia, S.N. de CC.OO de Galicia e a CEG son organizacións sindicais e empresariais máis representativas dos intereses das persoas traballadoras e das empresas galegas, polo que se acordou que o Proxecto “GALITEX” fose xestionado de forma conxunta pola Xunta de Galicia en colaboración cos interlocutores sociais e económicos por ser máis representativos.

Con data 18 de xuño de 2017, a través da Unidad Administrativa del Fondo Social Europeo – UAFSE- presentouse unha solicitude de cofinanciamento ao Fondo Europeo de Adaptación á Globalización (en adiante FEAG) (Regulamento (UE) N° 1309/2013 del Parlamento Europeo y del Consejo de 17 de decembro de 2013 sobre o Fondo Europeo de Adaptación á Globalización (2014-2020) e polo que se derroga o Regulamento (CE) N° 1927/2006), resultando aprobado o Proxecto Galitex en data 01-03-2018 por Resolución do Parlamento Europeo.

“GALITEX”, terá, polo tanto, como beneficiarios/as as persoas desempregadas provenientes de empresas de Galicia do CNAE 14, de *confección de prendas de vestir*, cuxo despedimento fora motivado por causas obxectivas entre o 30 de xullo de 2016 e o 30 de abril de 2017.

Os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.





En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E, para que conste, asínase esta memoria en Santiago de Compostela a 6 de setembro de 2018

A secretaria xeral de Emprego

Covadonga Toca Carús

